

- 163 Staðfesting forsetans á skipulagsskrá fyrir „Hjúkrunarsjóð Unnar Guðmunds-
9. des. dóttur“, útgefin á venjulegan hátt að mandatum af dómsmálaráðherra 9. des. 1948.
Skipulagsskráin er þannig:

SKIPULAGSSKRÁ

Hjúkrunarsjóðs Unnar Guðmundsdóttur.

1. gr.

Sjóðurinn heitir: Hjúkrunarsjóður Unnar Guðmundsdóttur.

2. gr.

Sjóðurinn er stofnaður af Guðmundi Magnússyni 1. nóvember 1948 til minningar um Unni Guðmundsdóttur hjúkrunarkonu frá Arnarnesi, dóttur stofnandans.

Heimilt er öllum að styrkja sjóð þennan með minningargjöfum um látna vini sína, gjöfum, áheitum eða á hvern þann hátt, sem þeim sýnist, enda fylgi engin ákvæði þeim gjöfum, er komi í bága við skipulagsskrá þessa, verður sjóðurinn þá jafnframt til minningar um vini þeirra og vandamenn þá, er þeir kynnu að tilnefna í sambandi við gjafirnar.

Stofnfé sjóðsins er 5000 — fimm þúsund — krónur.

3. gr.

Tilgangur sjóðsins er að styrkja hjúkrun sængurkvenna eftir barnsburð í heima- húsum eða annarra, sem þurfa hjúkrunar eða hjálpar við á heimilum sínum í Möðru- vallaklausturssókn.

4. gr.

Sjóðinn skal ávaxta í Sparisjóði Arnarneshrepps, eða í öðrum jafntryggum sjóði.

5. gr.

Heimilt er að verja fé úr sjóðnum samkvæmt 3. gr., þegar fé hefur staðið á vöxtum í heilt ár, nær þetta þó aðeins til $\frac{4}{5}$ vaxtanna, enda má ekki öðru úthluta úr sjóðnum. $\frac{1}{5}$ hluti vaxtanna skal ávallt leggjast við höfuðstólinn, en hann má aldrei skerða. Sama gildir um það, sem sjóðnum kann að áskotnast.

Ef ekki telst þörf að veita styrk úr sjóðnum eitthvert ár má veita hærri styrk úr honum næsta ár, ef stjórn sjóðsins telur þess þörf.

6. gr.

Sjóði þessum stjórna: Sóknarprestur Möðruvallaklaustursprestakalls, og skal hann vera formaður sjóðstjórnarinnar, hreppstjóri Arnarneshrepps, einn maður úr hreppsnefnd Arnarneshrepps, sá er hreppsnefnd kýs til þess starfa, og tvær konur, kosnar af kvenfélaginu Freyju í Arnarneshreppi. Leggist það félag niður skulu þær allt að einu valdar af konum í Arnarneshreppi, þeim er atkvæðisrétt hafa í sveitarmálum.

Störf stjórnarinnar eru:

- Að sjá um að sjóðurinn sé ávallt geymdur í tryggum stað.
- Að stuðla að því, að sjóðurinn verði styrktur, með því að kynna hreppsbum efni skipulagsskrárinnar ekki sjaldnar en 5. hvert ár.
- Að leitast við að láta þá sitja fyrir styrkveitingu úr sjóðnum, sem ætla má að hafi hans mesta þörf.
- Að skrá í bók reikninga sjóðsins, ákvarðanir stjórnarinnar og annast það, er við kemur sjóði þessum.

e. Annast um að skipulagsskrá þessari verði framfylgt.

163

Reikningar sjóðsins skulu birtir á hreppsfundi ár hvert, endurskoðaðir af endurskoðanda hreppsreikninga.

9. des.

Reikningsár sjóðsins er almanaksárið.

7. gr.

Skipulagsskrá þessari má ekki breyta næstu 50 ár, og aldrei má breyta tilgangi sjóðsins, en fyrirkomulagi hans má að einhverju leyti breyta eftir þennan tiltekna tíma, ef þáverandi stjórn sjóðsins álitur að sjóðurinn nái betur tilgangi sínum með breytingunni, enda verði þær tillögur samþykktar á hreppsfundi í Arnarneshreppi af meiri hluta atkvæðisbærra hreppsbúa.

8. gr.

Leita skal stjórnarstaðfestingar á skipulagsskrá þessari.

Arnarnesi, 1. nóvember 1948.

Guðm. Magnússon.

AUGLÝSING

164

13. des.

um breytingu á reglugerð nr. 167 21. des. 1946, um áhættuiðgjöld og flokkun starfa og starfsgreina samkv. 113. gr. laga nr. 50 1946, um almannatryggingar.

Við 1. gr.: 1. gr. orðist svo:

Frá og með 1. janúar 1949 skulu áhættuflokkar og iðgjöld vegna slysaþættu vera sem hér segir:

1. áhættuflokkur	110 aurar á viku.
2. —	150 — — —
3. —	220 — — —
4. —	300 — — —
5. —	500 — — —
6. —	600 — — —
7. —	800 — — —
8. —	900 — — —
9. —	1000 — — —
10. —	1500 — — —

Við 6. gr. Í stað „vikugjald 150 aurar“ komi: vikugjald 110 aurar.

Við 7. gr. Í stað „vikugjald 200 aurar“ komi: vikugjald 150 aurar.

Við 8. gr. Í stað „vikugjald 300 aurar“ komi: vikugjald 220 aurar.

Við 9. gr. Í stað „vikugjald 400 aurar“ komi: vikugjald 300 aurar.

Við 14. gr. Í stað „vikugjald 1200 aurar“ komi: vikugjald 1000 aurar.

Reglugerðarbreyting þessi staðfestist hér með samkvæmt 113. gr. laga nr. 50 7. maí 1946, um almannatryggingar, til þess að öðlast gildi 1. janúar 1949, og birtist til eftirbreytni öllum þeim, sem hlut eiga að máli.

Félagsmálaráðuneytið, 13. desember 1948.

Jónas Guðmundsson.

Gísli Jónasson.